

孝

經

大

全

序

孝經大全者西維太傅忠節呂公所輯而嗣君孝之敬之爲排續其先人之遺言槩版行世者也昔吾夫子志在春秋行在孝經因以春秋屬于夏孝經屬曾子蓋春秋乃聖人之刑書孝經乃聖人之德教是二書之在孔門如左右手然相爲用也自漢唐盛世敦重經術孝經一書諸儒注者百家所言皆煌然若鼓

鐘之不可隱乃至期門羽林屯營飛騎
悉授章句可謂盛矣其在一介縫掖之
士用以警世勵俗蒸祥致和如仇覽之
化頑顧歡之郤病亦遑遑雜見於諸傳
記中大矣哉孝之爲道乎逮宋熙寧間
金陵王氏專國變法以明經取士而孝
經遂與春秋俱罷不列學宮相沿至今
僅爲家塾童子所私習嗟乎疏進孝經
者司馬涑水也金陵之罷孝經者懋

水也懟涑水而併懟其所進之書蓋幾
幾乎懟孔曾矣不寧惟是孔曾亦人子
也孔曾而可懟則是幾幾乎懟父母矣
廢孝經而懟父母此北宋之所以靖康
也昧春秋而忘復讎此南宋之所以德
祐也宋社之屋非金陵氏之爲而誰爲
耶迄乎元末而隱士釣滄子者出爰著
孝經管見一書以爲後五百年必有聖
王振起先聖遺經復明於世或以釣滄

子爲知數學者余謂此說非也易曰无
往不復夫子刪詩係幽於十五國風之
末明變之復可正也大倫不可以終斁
天性不可以終隱學術不可以終詭人
心不可以終死然則孝經一書其晦蝕
於金陵氏者垂五百年釣滄子所云殆
亦有否極而泰匪風下泉之思乎太傅
公當明之末乃力尋孔曾陸緒潛心是
書三十年而始闡釋之本義既成大全

隨輯其取材也傳其持論也精訂定訓
解綱明目張書成之日芝十八莖產於
庭蓋嘗以表章八要五疏請之於朝事
雖報聞行之未果而寇陷西雒公竟身
殉國難矣夫太傅公以純孝摠爲精忠
其日星河嶽之文正不必以立言傳卽
以立言傳亦不止孝經一書而

本朝受命以來首崇教孝恭親

世祖章皇帝簡命儒臣纂修孝經衍義薄海

內外固已罔不嚮風而

今天子御極又懲制科之弊黜經義崇論策
赫然下

明詔專舉安石奸臣爲言然則

聖王孝治高掩千古而金陵氏之學術顛倒
錯繆爲萬世人心蠹害至今日而益可
覩矣其爲金陵氏所創造者今已罷去
弗用則其爲

光皇帝所尊尚而金陵氏所罷去者廟堂之

上亦可以次第而議興復之矣而嗣君
剗其先公之遺書乃適於是時然則
鈞滄子所言非驗於明末而驗於

皇清之興運可知也太傅公純孝精忠前代
雖已表襮乎其立言遺緒益昌大於
後人今日之手又可知也吾知孝經之
與春秋必相輔以行而洙泗正統復歸
伊洛固有不待卜而自決者矣至於太
傅公之生平其立朝也則如裴中立韓

稚圭其死國也則如顏清臣文宗瑞朝
興家乘彪炳烜著苟非聾與瞶者孰弗
聞且見之予小子何人又安敢贅加稱
述乎是爲序

皆

康熙癸卯除夕前二日後學瑯琊王昊頓
首薰沐拜書

孝經大全序

戊申初夏天地清和日月開朗吳江計東于
廣陵旅次焚香默坐展河南新安故大司馬
贈太傅謚忠節呂公所著進呈孝經大全卒
業之歎曰至矣哉以東所見前賢註釋箋記
孝經凡百數十家未有若忠節呂公所著之
詳切明脩使人悚然改觀者也孝弟之道雖
曰孩提之童無不知愛知敬可以不學不慮
自然合于要道此以論率性則然若以語乎

修道則孝經亦但舉其大綱而已其曲折纖
悉必合三禮家語小學及漢宋諸儒箋註各
經之章句彙觀而分析之然後知一語一動
一食一息之節莫不有仁人孝子不敢過不
敢不及之義雍容肅穆中乎情文之矩矱者
在焉此修道之所以率性也嘉隆以來學者
大率宗姚江之教以不學不慮爲宗至心齋
近溪益主直指人心見性卽道之說海內靡
然從風其最易動人者于孟子孩提之章尤

三致意若是是無論三禮小學諸書可廢耶
孝經一書舉其大綱者皆可廢而不讀也夫
不合三禮小學諸書之言孝者以箋釋經文
不知孝道之廣大而精微也不合他經所載
曾子之言及漢宋諸儒所推述曾子之孝行
不知孝道之篤寔而巧變也忠節公生平以
講學爲已任首致力乎德本而博採載籍集
成大全誠哉大全矣進呈之疏十數上而不
倦忠愛之意彌綸乎天地經曰資於事父以

孝經大全卷之四

事君公之盡瘁報國從容就義于註孝經之時早矢之矣此可不學而能者乎東益以嘆姚江之教心齋近溪之專主率性不言修道者即于孝弟之道而未得其大全而公之書爲粹然無弊已

康熙七年四月初一日吳江後學計東拜手
序

孝經大全序

愚既著孝經本義已復櫛比諸家之同異潛
玩孔曾之心傳久之興而歎曰大哉聖人之
言孝也其言近而旨遠其守約而施博其理
至廣大而淵微至神奇而平易其文至暢達
而精約至參錯變化而脉絡貫通前後照應
非天下至聖其孰能與於斯也慨秦燬既灰
諸儒羽翼孝經者殆數百家而今古分壘爭
勝如讎嘗考今古所異不過隸書蝌蚪字句

多寡於大義奚損且夫正緣互異愈徵真傳
苟能體認皆存至理而諸儒多以其意見自
爲家卑者襲譌舛高者執胸臆如長孫江翁
韋昭王肅虞翻劉炫之流論著蠡起互有出
入孔傳旣亡鄭說無徵唐註浮譎邢疏繁蕪
學士搖搖莫知所宗迨大涑水指解紫陽刊
誤庶幾學者之津筏而疑非定筆他如董廣
川程伊川劉屏山范蜀公真西山陸象山鈞
滄子宋景濂羅近溪諸君子亦各有所發明

而或鮮詮釋又如吳臨川董鄱陽虞長蘅蔡
弘甫朱申周翰孫本朱鴻諸家各有詮註行
于世亦似有功剛翼然或是古非今分經列
傳牽合附會改易增減亦失厥旨嗚呼孝之
道本天地之性傳帝王之心通貴賤之分因
愛敬之良而孔子發明之以統六經之要垂
萬世之法爲人君父者不可不知孝經爲人
臣子者不可不知孝經爲人君父而不知孝
經則必無以立德教之極爲人臣子而不知

孝經則必無以盡忠孝之倫昔明道先生看
詳武學經制猶欲添習孝經雖漢唐宋中主
猶知置博士講殿廷刻石臺令虎賁羽林悉
通章句而安石獨以私見罷黜至今猶不得
與麟經共恢復嗟夫以孔子作於七十後者
今乃視爲蒙穉之句讀以孔子所謂天經地
義通於神明者今尚不得爲稽古之筌蹄何
怪夫忠孝風微廉耻道喪士紕其學民敝其
俗浸淫至於盜侵兵譁妖興亂起邪慝熾而

良知燼斯不亦人心之秦火至今燭哉洪惟
我

二祖以孝治天下其振鐸之諭首曰孝其序
贊孝實嘗曰孝經者聖賢之格言大訓而我
皇上親灑宸翰屢諭表章習學且曰朕不敢
與

天地

祖宗並孝孰大於此者往歲

上釋奠太學一儒生犯蹕上書乞行孝經所

司劾奏治罪

上猶優容下其議意者二千年志行之精靈
固有在耶愚幼志此經有年及鶴署歸省始
拮據群書淹貫折衷時欲任此顧未敢爾意
謂海內必有人焉先得我心者遲迴十載歧
望稍孤於是更不敢不自任會以視南膺之
明年食足人悅鞅掌小暇不揣狂僭下鍵腕
草成本義若干卷又四年成大全若干卷冠
以義例羽翼引證姓氏節略若干卷附以引

曾論孝曾子孝言曾子孝行曾子論贊及宸
翰入告述文紀事識餘若干卷蓋欲明孔子
作經之意爲明王以孝治天下而發其義理
節次皆有本領條貫大哉非天下之至聖其
孰能與於斯乎豈諸儒可以其意見自爲家
者然諸儒之說亦有雅正淵閎可發聖蘊可
裨治理可互存就質者皆取節焉乙亥履端
業擬繕寫爲表上之會以

恩放歸田不果深山之暇間簡原草重加箋

而孝經或問成尚有續著衍義圖說外傳
等若干卷俱藏諸筭以訓子弟及門之士云
爾敢曰闡聖言於將湮扶名教於幾衰提良
知於未死足爲專忠孝翼德教正人心之一
助哉杏壇不遠斯文在茲幸孝治之方興庶
吾身之親見

明崇禎戊寅端月元日原奉勅叅贊機務南
京兵部尚書伊雅豫石呂維祺齋沐焚香告
備于

天而書於雒社之明德堂

男

兆璜

兆琳

重梓

進孝經表

原任叅贊機務南京兵部尚書臣呂維祺恭以所撰孝經本義二卷大全二十八卷或問三卷謹奉

表稱

進者伏以

王化風行象夫巽教孝已敷菁莪
帝心虛受法乎咸闡經不遺葑菲

四表之光徽五典仰

聖謨之孔彰

一人之媚祐萬年矢嘉猷而入

告經繇孔曾面授道接堯舜心傳敢獻愚

忠敬陳

睿覽臣維祺誠惶誠恐稽首頓首竊惟義一

畫以開天範九疇而錫極關雎麟趾之

意輝映周官五禮六樂之遺睹駁漢簡

明德率性猶存泗水之微言二論七篇

誰窺杏壇之奧旨非春秋奚存王迹惟

孝經乃統聖真會五經四書之指歸垂
千聖百王之模範道必待人而授及門
群彥推參獨得其宗教必本所由生百
行殊名惟孝實居其首故以至德要道
爲本乃見天經地義之尊愛因親敬因
嚴天地之性人爲貴則而象畏而愛孝
弟之至神可通大哉孝乎文在茲矣是
以修經卒業獨標志行之靈垂老談經
直傳德教之訣意

明王南面而治布

王化所最先猶

上天北斗之樞答

天心而告備淳風旣邈正學隨荒思孟方極
力以迴瀾羸斯遂乘權而煽焰偕六籍
以灰沒踰貳紀而雲蒸幸存顏衣重開
孔壁自河間獻王之奏業通曉於薦紳
先生經中壘較尉之編遂傳布於期門
子弟雖漢唐代有表章之舉而朝野才

聞禮樂之興然光岳積儲道如懸而不
絕豈惟濂後起機有開以必先胡平章
任曲學之儒每憑臆以自用致經筵缺
進講之例遂束卷而不觀窮理通人微
存刊誤未定之筆明謨元老莫施引君
當道之方羽翼殆數百家理解僅二三
種多分經列傳而謬附且是古非今以
紛爭訓詁半屬師心增改皆同食耳瞻
彼勝國廼有釣滄謂二千載聖人精華

必發

明王之夢期五百年

王者興起當弘孝治之風肆我

明興聿崇經學洪惟我

太祖高皇帝生知出類神武統天註洪範以
新萬世之平成宜孝鐸而揭大明之日
月我

成祖文皇帝聖學纂心法經書集大全製孝
順事編以樹倫物之範著文華寶鑑以

養皇儲之蒙我

宣宗章皇帝御書首重五倫臣鑒折衷歷代
我

世宗肅皇帝郊社一秉於周禮宗祀特秩乎
獻皇我

光宗貞皇帝純孝性成稱一月昇平
天子至仁天縱允萬古有道

聖人然孝經未布學宮卽士紳曷知標準幸
聖政方崇教化從經書獨會本源

上天之微意若留千載之盛事如待恭惟
皇帝陛下

聰明剛健

孝友中和

日旦群陰消狐鼠識太平之氣
聖作萬物睹風雲奮至德之光

制節謹度以凜

萬幾

夙興夜寐而勤

召對

明察致敬答

天地所尊所親

德禮修身講

帝王大經大法

聖不自聖錄諍臣以屢

詔求言

刑期無刑教謹身而時軫

欽恤

曠災側身釋繫沛禹湯下車解網之恩

臨軒論相遴才修唐虞敷奏明試之典乃猶
布告中外

命學官士子通習孝經蓋欲

啟迪臣民俾薄海馮生悉知政本監於

先王成憲在此至聖遺經始事親中事君終

立身念爾祖而得歡萬國盡愛敬加百

姓刑四海慶

一人以允賴兆民

思孝子致敬致樂致憂致哀致嚴篤孝思
而維則

念君子可道可樂可尊可法可度建

皇極以錫疇大

闡聖宗屢灑

宸翰

龍文掩映天開七曜之輝

鳳札飛揚瑞奪五雲之色矧茲吉祥善事幸

際迪教

元儲保

泰運以方亨紫電遶

重離之照端

蒙養以作聖丹霞垂

出震之祥宜沃天性之良

聖以孝而傳孝用資修德之助學日新而又
新立身行道揚名顯親孝子不匱博愛
敬讓德義禮樂孫謀永貽屬以

三加禮成愈篤終身孺慕冊崇

顯號揚

太妊太姜之慈徽

恩布普天暢

善繼善述之大孝際斯

聖朝曠典亟望

君子反經第聖經久當殘廢之餘非

王言孰立尊信之軌宿儒尚狙岐見後學安

所適從况小學集註旣頒且

六諭訓解廣布而猶載渙

宸諭邇固本厚生之源更復實課師模醒誦
讀力行之要此誠

明王孝治之會宜廣

先王化民之心臣學愧賈生望慚君實恰受
厘于伊雒頗知山仰邵程曾筮仕於龜
蒙妄意管窺洙泗蒐羅久而臆撮其要
沉潛深而心會其微蓋當東山歸省之
時已加箋訂更於南庠視政之暇謬效
編摩本義初成大全繼纂總明作經之

意非專言乎庭闈尤重敷教之原必立
極於

天子服其服言其言行其行非曰能之教以
孝教以弟教以忠固所願也兩書業告
成於乙亥或問復詳辯乎戊寅畎畝不
忘

朝廷每惓惓於報

主藩牆皆置筆墨幾矻矻以窮年聊殫作述
之蹄筌微資

化理之涓滴研丹鉛而抱槩豈青藜分太
乙之精積縹緗以充囊值

紫禁煥

前星之耀赤虹黃玉竟不燼於秦灰蝌蚪
竹絲恍猶存乎魯壁安得一詞襄

泰社愧非半部佐

豐亨積二十年之葵丹心終向

日集十八章之竹素志在回

天剽芸架之西藏點朱分

金盤之露塵

楓宸之

乙夜汗青惹

玉爐之香伏願

法舜夔夔

師文翼翼

暢遺旨於言湮聖遠

執大本而經正民興

參三才貫其中謂人之

王王者無私合

天地神明以效順

分一極身其統爲

天之子子止於孝聯盡忠補過而相親

會孔曾之授受見諸行毋爲空言之託

本堯舜之孝弟施於政必廣錫類之仁

文武聖神以光天首敦親睦

祿位名壽而受命必本克諧

體兢戰淵冰之微言傳聖賢大孝心法

順愷悌父母之至德培

帝王有道靈長快睹車同軌書同文行同倫
過八百年猶綿駿業會見

日重輝月重輪海重潤歷億萬歲益振鴻
猷臣無任瞻

天仰

聖激切屏營之至謹奉

表恭

進以

聞

孝經大全義例

一孝經乃至聖精神命脉所寄繼古帝王之道統治統皆在此諸家多視爲養親一節不求其本旨大義今以明王孝治天下立論而中所闡發頗于孔曾微言畧窺萬一其首卷節畧十二條附註四十四條皆記孔曾之言及諸儒格言漢藝文志等書庶孝經本旨大義展卷便已瞭然

一孝經章第題名皆後人爲之非孔曾之舊也劉向始比較今古文定一十八章唐玄宗時儒臣集議重加商量始定開宗明義等題名今以卷帙旣多不宜統同無別倣中庸例仍爲十八章刪去題名以存大雅

一孝經今古經傳之說諸家紛紜莫知所從后之學者又復憑臆增減多所改竄遂使至聖真經混淆莫辨幸顏本自漢

至今世所通行今細加玩味真非天下
之至聖莫之能作也謹一依元本片語
隻字不敢增減移易

一孝經本義訓詁字義發明意旨其說已
備今復集諸家之論或闡玄微或辨疑
似或廣義類或採引証或詳節目大抵
以先儒醇正之說爲主以闡明孔曾之
心傳爲要間附已意以訂之庶於孔子
作經之意或有小補

一凡引先聖先賢先儒及近世諸君子言
或以謚或以子或以字或以號或以氏
或以名或以書名隨所引用無定例也
惟

國朝諸賢皆以氏而名之雖陽明文清諸
大儒亦然蓋此書進呈

御覽故不敢不名

君前臣名禮也

一凡右第某章下註古文有無字句多寡

之異以備查考間及文公草廬諸賢議
論而附以愚見訂證以俟後之君子
一後附孔曾論孝及曾子孝言孝行論贊
四卷以見孔門傳授心法皆在此經末
及宸翰入告述文紀事識餘等卷蓋節
畧所未盡者學者潛心詠玩庶孔曾傳
孝心法昭然盡明於天下後世而後儒
紛紛之疑斷斷之說皆渙然氷釋矣

古今羽翼孝經姓氏

呂維祺曰按孝經爲孔門授受心法

明王以孝治天下之一於此歷漢唐
宋表章舊矣要之未有如我

朝

二祖

列宗與我

皇上之躬行於上教民於下者近蒙我

皇上加意興起此經超越千古屢奉表章力

行命題之

旨竊意

明王孝治天下之效將旦暮遇之矣謹歷敘
帝王之羽翼孝經者而首列我

聖祖

列宗與我

皇上以爲萬世法次及歷代帝王次及列國
以迨儒臣大抵古今闡翼此經者亡慮
數百家而博採群書輯錄其有據者若

于姓氏但見聞有限或不無舛謫掛漏
之失容俟續訂補正焉

帝王

明

太祖高皇帝

教民協文首曰孝順父母

成祖文皇帝

御製孝順事實嘗曰孝經者聖賢之格言大訓

宣宗章皇帝

五倫全書多引孝經語

崇禎皇帝

諭士子習孝經小學頒六諭訓解且曰朕不敢與天地祖宗並

歷代

漢文帝

置孝經博士

平帝

令庠序置孝經師又令天下通知孝經者所在以聞

光武帝

令虎賁士俱習孝經

明帝

令期門羽林悉通孝經章句

晉元帝

置孝經博士一人

穆帝

帝講孝經親釋奠于中堂

梁武帝

注孝經義疏國學置孝經助教一人

簡文帝

注孝經五卷

隋文帝

親臨釋奠頒賜孝經

唐太宗

帝詰國子監釋奠命祭酒孔穎達講孝經又命趙弘智講孝經忠臣孝子之義

高宗

自幼受孝經永徽中召趙弘智講孝經

玄宗

開元十年御注孝經頒天下天寶三載詔天下宗藏孝經皆敏教習

代宗

禮部侍郎楊綰議以論語孝經孟子兼為一經詔從之

穆宗

註解孝經

宋太宗

御書孝經賜李至仍命重加讐校

真宗

咸平三年命邢昺等修纂孝經正義以獻刻板杭州祥符間資善堂講孝經

仁宗

命王洙書孝經四章列置左右又命丁度書孝經天子孝治聖治廣要道四章為圖增設明經試法又命國子監取孝經為篆隸二體刻石兩楹

哲宗

元祐二年尚書省言加試論語孝經大義註官并依科目次序詔集議以聞

高宗

出御書孝經宣示呂頤浩等御書孝經刻石賜見任官及學生又作孝經贊

孝宗

詔童子科凡全誦六經孝經論孟為上等與推恩

列國

魏文侯

作孝經傳

漢河間獻王

得隸書孝經于顏氏士之問大經地義于董仲舒

沛獻王輔

光武子善說孝經於諸生

梁昭明太子

梁書昭明太子講孝經殿中

唐越王貞

太宗子撰孝經解號爲越王新義

明魯王府

刊孝經注疏十二卷

儒臣

秦顏芝

隸書孝經以授其子貞藏於家

顏貞

顏芝子出孝經於衣裘以獻

孔鮒

藏古文孝經於孔壁

漢劉向

以顏芝本較古文孝經除其繁
惑定一十八章

董仲舒

答河間獻王天經地義解

長孫氏

註孝經一卷

江翁

註孝經一卷

后蒼

註孝經一卷

翼奉

註孝經一卷

張禹

註孝經一卷以上五家著孝經
說各自名家

孔安國

傳孔壁中古文孝經

魯國三老

獻古文孝經

衛宏 字敬仲較古文孝經

鄭眾 注今文孝經

馬融 注古文孝經

鄭玄 注今文孝經以爲五經之總會

許慎 撰孝經一篇

高誘 作孝經解

仇覽 爲陽遂亭長好行教化有陳元不孝與孝經使讀之元感化

荀爽 對策漢火德其德爲孝又曰漢制使天下誦孝經選吏舉孝廉

何休 註訓孝經

朱熹

疏導州縣士學術屢致反暴欲
多寫孝經家家習之

無名氏

孝經直解

三韋昭

注孝經一卷

王肅

注孝經一卷傳奉詔令諸儒注
述孝經以肅說爲長

蘇林

注古文孝經

孫熙

注古文孝經

何晏

注古文孝經

劉邵

注古文孝經

嚴峻

孝經傳注

梁有晉 著孝經雜緯一卷

宋氏 孝經緯注

晉謝萬 集注

虞盤佐 孝經注

虞翻 孝經注

殷仲文 孝經注

郭璞 著孝經緯

殷叔道 作孝經注

范曄 注孝經一卷

徐整 孝經注一卷

袁克巳 孝經旁訓

袁敬仲 孝經集文一卷

荀昶 撰集孝經諸說

孫昶 孝經集解

傅咸 作孝經四言詩

鄭志 注今文孝經

虞喜 孝經注

楊泓 孝經注

車胤 孝經講義疏

何約之 孝經講義疏

孫氏 孝經注失其名

庾氏 孝經注失其名

荀勗 孝經集解

何承天 孝經注

陶潛 著五等孝傳贊

祁嘉 字孔賓依孝經作二九神經教授門生百餘人

太史叔明 著孝經義一卷每講說聽者常數百人

戴明

孝經雜緯十卷

齊陸澄

孝經注

周顒

撰孝經義疏

祖冲之

孝經注解

梁皇侃

撰孝經義疏三卷

岑之敬

五歲通孝經十六策孝經義
擢高第武帝召入升座講士
孝章應對如響

賀瑒

孝經注

王玄載

孝經注

沈文阿

孝經義記

明僧紹

孝經注

嚴植之

作孝經注

蕭子顯

孝經義一卷

王元規

著孝經義記二卷簡文在東宮引經實客

張譏

孝經義八卷簡文在東宮發孝經題譏論什復甚見俊賞

劉真簡

孝經說

趙景昭

孝經義一卷

阮孝緒

孝經七錄

陶弘景

孝經集說

孔僉

著孝經講疏數十篇生徒數百人

張士儒

演孝經十二卷

袁宏

孝經注

魏陳奇

注孝經其說異鄭玄與崔浩同頗為縉紳所稱

盧景裕

孝經說

明山賓

孝經說

沈麟士

孝經要畧

後魏周弘正

孝經疏二卷

陳奇始 孝經注

宇文弼 孝經注

阮瑀 孝經錯緯

何遜 孝經注

龍昌期 孝經注

黃金色 編定孝經古文

韋節 孝經注

楊少愚 孝經續義

林起宗 孝經圖解

熊大年 孝經養蒙大訓

陳選 孝經注

余息 刊誤說

汪宇 祁門人有孝經考誤集解

柯遷之 考定古文

周樊深 孝經問疑

熊安生 孝經義疏

陳顧越 孝經序論

李鉉 孝經義疏

賈公彥 孝經義疏

隋劉炫 作稽疑一篇述義五卷其所出古文儒者皆云炫自作非古木也

劉綽 作孝經疏

張冲 孝經義三卷

樂遜 孝經序論一卷

何妥 孝經義疏二卷

魏貞克 孝經訓

明克讓 孝經義疏

唐趙匡

開元時上舉人條例論語孝經各一經舉簡試孝經口問五道

費希冉

孝經解

陸德明

孝經釋文

盧陵

孝經注

孔穎達

字仲達孝經注疏

謝諤

撰孝史五十卷

韓愈

字退之李陽冰子服之貞元中授愈蚺蚺孝經行於世

平真脊

孝經義

李嗣真

孝經指要一卷

劉子玄

孝經注議

徐浩

唐孝經十卷

楊栖

唐史官標孝經以示訓今覽

元行

唐孝經疏唐玄宗詔立學官

尹知章

孝經注

薛放

對唐楊宗曰孝經人倫之大本

李適

孝經章句

王元感

孝經注成魏知古見其書歎曰可爲指南

王漸

著孝經義五十卷

徐孝克

至德中著講疏六卷

楊晏

精孝經手寫數十篇可教者輒遺之

任希古

著越王孝經新義十卷以越王為問目釋疏文是非後周顯德中高麗遣使進新義八卷

宋周敦頤

著太極圖明大孝之本源

程顥

看詳武學經制添習孝經又曰神明孝弟不是兩事

程頤

作孝經卜其宅兆解

邢昺

杜鎬

咸平中奉詔同修纂孝經正義三卷

崔遵度

仁宗開壽春王府拜爲王友

尹燁

論孝經非堯舜大聖不能盡伊

司馬光

古文孝經指解二卷進藏秘

劉子翬

論孝爲百行之宗以敬爲本

趙克孝

孝經傳一卷

張載

著西銘以天地爲大父母明大

任奉古

孝經講疏

張崇文

孝經簡疏一卷

張元老

孝經講義一卷

宋綬

太后命擇前代文字可補政治者遂錄孝經節要以上

蘇彬

孝經疏一卷

孫覺

字莘老英宗時爲昌王府記室王問終身之戒陳孝經諸侯章復作富貴二箴稱爲知理

呂公著

元祐二年節取孝經要語切于治道者進覽

范祖禹

元祐中上古文孝經說一卷

朱申

註古文孝經

周翰

同朱申註古文孝經

吉觀國

孝經新義一部解義二卷

方逢辰 孝經解

何初 孝經解

胡子實 孝經注

王文獻 孝經詳解一卷

林椿齡 孝經全解一卷

沈處厚 孝經解一卷

趙湘 孝經義一卷

張師尹 孝經通義三卷

張九成 字子韶作孝經解一卷

孝經大全

王忭

紹興中獻孝經解義詔賜粟帛

洪興祖

古文孝經序贊

李克孝

孝經注義

朱熹

字元晦幼讀孝經曰若不如此便不成人作刊誤分經傳然非

定筆也故未註其稱格言精約者不一而足復採入小學以訓後世

蔡子高

作孝經註

陸九淵

字子靜謂孝經十八章聖人踐履實地非虛言也作大地

之性人為貴論

真德秀

字景化作孝經紀孝行并庶人章解

龔栗

作孝經集義西山真氏敘

胡一桂

孝經傳贊

黃幹

孝經本旨

項安世

孝經說一卷

陳少愚

青陽人好學博通羣書註孝經衍孝編

馮椅

孝經輯註

趙景緯

知台州允務化民取孝經庶人章爲四言咏贊俾民歌之旌孝行作訓孝文

徐國和

撰至孝通神集記孝感事取通于神明之義

楊簡

陸九淵門人作古文孝經解

袁廣微

楊簡門人諸生錄其孝經講義三卷

王行

作孝經同異三卷

袁甫

孝經說三卷

程全一

進孝經解

應氏

新昌令失其名作孝經春秋祭祀以時思之論

林獨秀

進孝經指解

陳鄂

著孝經釋文

姜融 著孝經釋文

元吳澄 號草廬較定今文孝經自注

許衍 註孝經一卷見於

李孝光 字季和隱居山至正七

董鵬 字季亨註朱子孝經刊誤名孝

釣滄子 至正間隱士著孝經管見其

明皇宋濂 字景濂作孝經註一卷見續文

曹端 詳論太極圖說明大孝之理又

孫賁 字仲衍廣東人洪武壬寅鄉貢

王祥 著孝經集說自序

方孝孺 著孝經誠俗

真德秀 進大學衍義補論孝經以敬為

王守仁 以良知為學之宗良知即孟子所謂孩提愛親之良知也

是明于大孝之原者又著孝經大義

陳獻章 字公甫廣東新會人性至孝篤信孝經發明孝旨謂張詡

曰孔子之道至矣勿畫蛇添足

沈度 著孝經旁注

薛瑄 訂次孝經今古文

章品

重定孝經傳注

周本

考定古今孝經節次

朱升

作孝經注

陳深

字子淵浙江人著孝經解詁

余時英

孝經集義

陳維範

孝經求蒙

陳三槐

孝經釋

沈易

孝經旁註

楊守陳

孝經私抄八卷

陳炫

孝經章句集解

胡時化

註解孝經

潘府

孝經正誤

蔡復賞

編次孝經

陳堯道

孝經考注

羅汝芳

著孝經宗旨

陳曉

作孝經問對

李槃

作孝經別傳

鄧以誥

江西人著孝經全書

沈淮 孝經會通

朱鴻 集錄家塾直解經書孝語質疑等書

朱鼎材 孝經考注

孫本 作孝經解意釋疑

孟化鯉 字叔龍新安人著孝經要旨

虞淳熙 作孝經通言孝經集說等書

楊起元 歸善人作孝經引證

褚相 作孝經本文說并叅訂

韓世能 萬曆丙戌進孝經

李材

豐城人纂孝經疏義

鄒元標

著孝經說又作孝經敘以真性立論

馮從吾

著孝經義說

方學漸

桐城人作孝經釋

歸有光

崑山人作孝經敘錄

蔡悉

著孝經孝則

蔡毅中

註古文孝經萬曆時進

吳從周

作父母生之續莫大焉衍義

曹于汴

訂正孝經本義

畢懋康 編次孝經大全

王鐸 訂正孝經大全

陳仁錫 訂刻孝經翼

王元祚 訂次孝經並彙註三卷

張昺 較訂孝經大全

馮夢龍 刻孝經翼並彙註

吳姓 較訂孝經本義大全

梅鼎和 刻孝經疏抄

江旭奇 崇禎己巳進疏義

瞿罕

崇禎甲戌進孝經貫注

呂維祺

著孝經本義二卷節畧大全二十八卷或問三卷崇禎已卯恭進又輯孝經衍義圖說外傳等書

呂維禔

禔之弟訂次孝經本義大全或問衍義又作孝經翼

呂兆璜

禔之子訂次孝經本義大全等書

孝經大全羽翼姓氏

終

孝經大全目錄

卷之首

孝經節略

卷之一

第一章

卷之二

第二章

第三章

卷之三

第四章

第五章

卷之四

第六章

卷之五

第七章

卷之六

第八章

卷之七

第九章

卷之八

第十章

第十一章

卷之九

第十二章

第十三章

第十四章

卷之十

第十五章

卷之十一

第十六章

卷之十二

第十七章

卷之十三

第十八章

卷之十四

孔曾論孝

卷之十五

曾子孝言

卷之十六

曾子孝行

卷之十七

曾子論贊

卷之十八

表章通考

宸翰

卷之十九

表章通考

入告疏

表

劄子

進呈序

卷之二十

表章通考

入告

進呈疏

卷之二十一

表章通考

述文

序

卷之二十二

表章通考

述文

跋

卷之二十三

表章通考

述文

論說

卷之二十四

表章通考

述文

解

卷之二十五

表章通考

述文

義心法

辯

別傳

衍

卷之二十六

表章通考

述文

宗旨

引證

卷之二十七

表章通考

紀事

卷之二十八

表章通考

識餘

孝經大全卷之首

明新安呂維祺箋疏

孝經節略

子曰吾志在春秋行在孝經○又曰春秋屬
商孝經屬參

祺按中庸注孔子曰吾志在春秋行在
孝經二經固足以明之孔子祖述堯舜
之道而制春秋斷以文王武王之法度
○公羊何休序孔子有云吾志在春秋

行在孝經此二經者聖人之極致治世之要務也

班氏固曰已作春秋後作孝經何欲專制正於孝經何夫孝者自天子下至庶人上下通夫孝經者制作禮樂仁義之本聖人道德已備

孝經緯云孔子曰欲觀我褒貶諸侯之志在春秋崇人倫之行在孝經是知孝經與春秋爲表裏○史記曰魯哀公十

四年西狩獲麟孔子作春秋至十六年
夏四月巳丑孔子卒則孝經之作在哀
公十四年之後十六年之前○鈎命訣
云孔子曰春秋以屬商孝經以屬參則
孝經之作在春秋後也

宋朱光庭兼明書云六親不和有孝慈
閔之父和而孝不顯曾參父嚴而孝道
著所以孔子獨與之論孝孫奭云曾子
在七十弟子中孝行最著孔子乃假立

曾子爲請益問答之人以廣明孝道旣說之後乃屬與曾子夫所云假立曾子聖人制作斷不其然然謂旣說之後乃屬曾子則此經爲孔子口授矣朱子直以爲曾子門人記錄之書觀仲尼居曾子侍及中間子曰字理亦近似蓋此書疑曾子與其門人所記然必有經孔子裁定者故曰行在孝經也

宋志云孔子告備於天曰孝經四卷講

已備

老泉蘇氏曰夫子繫易謂之繫辭言孝
謂之孝經皆自名之則夫子私之也洵
蓋實信其爲孔氏之書矣

曾子曰夫孝天下之大經也○又曰小孝用
力中孝用勞大孝不匱○又曰居處不莊
非孝也事君不忠非孝也涖官不敬非孝
也朋友不信非孝也戰陳無勇非孝也

祺按曾子力行孝道故孔子傳以孝經

曾子遂得其傳之宗其言多本於孝經
張氏九成曰人各有入道處曾子則由
孝而入

程子曰孔子沒曾子之道日益光大曾
子傳孔子之道只是一個誠篤

朱子曰曾子爲人敦厚質實其學專以
躬行爲主其所以自守而終身者未嘗
離乎孝敬信讓之規○又曰曾子大抵
偏於剛毅這終是有立脚處所以其他

諸子皆無傳

象山陸氏曰懿哉曾子之論孝也世人知不得於親之爲非孝亦孰知夫居處不莊事君不忠涖官不敬朋友不信戰陳不勇之非孝也

李氏槃曰曾子聰明弘毅藏於朴魯凡敎語所傳皆勤於日省獨唯一貫善發其蘊孔子知其任重道遠可與托也故語之以孝皆明王孝治天下君臣上下

一德之事蓋非世俗所謂奉養之末也
漢藝文志曰孝經漢興長孫氏江翁后蒼翼
奉張禹傳之各自名家唯孔氏壁中古文
爲異

祺按漢藝文志孝經者孔子爲曾子陳
孝道也夫孝天之經地之義民之行也
舉大者言故曰孝經父母生之續莫大
焉故親生之膝下諸家說不安處古文
字讀皆異

師古曰桓譚新論云古孝經千八百七十二字今異者四百餘字

孔氏安國曰魯共王壞孔子舊宅於壁中得先人所藏虞夏商周古文書及論語孝經皆蝌蚪文字又升孔子堂聞金石絲竹之音乃不壞宅蝌蚪書廢已久時人無能知者以所聞伏生之書考論文義定其可知者爲隸古而更以竹簡寫之其餘錯亂磨滅弗可復知悉上送

官藏之書府以待能者

陳氏曰世傳秦火之後河間人顏芝得孝經藏之以獻河間王今十八章是也相承云康成作註古文有孔安國傳不行於世劉炫僞作稽疑一篇按三朝志五代以來孔鄭註皆亡周顯德中新羅獻別序孝經卽鄭註者而崇文總目以爲咸平中日本僧裔然所獻未審孰是世少有其本乾道中熊克子復從袁樞

機仲得之刻於京口學官而孔傳不可復見

隋經籍志曰孔子既敘述六經作孝經以總會之明其枝流雖分本萌於孝者也遭秦焚書爲河間人顏芝所藏又有古文孝經孔安國爲之傳至劉向典較經籍以顏本比古文除其繁惑以十八章爲定安國之本亡於梁

祺按隋經籍志孔子既敘述六經題目

不同指意差別恐斯道離散故作孝經以總會之明其枝流雖分本萌於孝者也遭秦焚書爲河間人顏芝所藏漢初芝子貞出之凡十八章而長孫氏博士江翁少府后蒼諫議大夫翼奉安昌侯張禹皆名其事又有古文孝經經文大較相似篇簡闕解又有衍出三章并前合爲二十二章孔安國爲之傳至劉向典較經籍以顏本比古文除其繁惑以

十八章爲定鄭衆馬融並爲之註又有鄭氏註相傳或云鄭玄其立義與公所註餘書不同故疑之梁代安國及鄭氏二家竝立國學安國之本亡於梁亂陳及周齊唯傳鄭氏至隋秘書監王邵於京師訪得孔傳遂示河間劉炫炫因序其得喪述其議疏講於人間漸聞朝廷後遂著令與鄭氏竝立儒者誼誼皆云炫自作之非孔舊本而秘府又先無其

書

宋三朝藝文志曰古文孝經世不傳歷晉至
唐所行唯鄭氏者世以爲鄭玄也咸平中
祭酒邢昺作正義

祺按宋三朝藝文志古文孝經世不傳
歷晉至唐所傳唯鄭氏者世以爲鄭玄
唐開元中史官劉子玄證其非鄭玄者
十有二諸儒非子玄之說天寶中玄宗
自註元行冲造疏授學官迄今儒者傳

習焉五代以來孔鄭二註皆亡周顯德
末新羅獻別敘孝經卽鄭註者本朝咸
平中令祭酒邢昺取行中疏刪定正義
行焉

邢氏昺曰古文孝經曠代亡逸隋開皇
十四年秘書學生王逸於京市陳人處
得本送與著作郎王邵以示河間劉炫
仍令較定炫遂以庶人章分爲二曾子
敢問章分爲三又多闡門一章凡二十

二章因著古文稽疑一篇○又曰按今
文孝經是漢河間王所得顏芝本至劉
向比較古文定一十八章其古文二十
二章出孔壁未之行遂亡其本近儒輒
穿鑿更改僞作閨門一章文句凡鄙又
分庶人章從故自天子以下別爲一章
以應二十二章之數

明道程子因禮部看詳武學制添習孝經或
疑迂濶曰其添入者欲令武勇之士能知

義理未足爲迂濶

祺按漢文帝置孝經博士司隸有專師
制使天下誦習明帝令期門羽林之士
悉通孝經章句唐太宗詣國子監釋奠
命孔穎達講孝經自屯營飛騎亦授以
經明道所見未爲無據今文學之士且
棄置之安問武勇之士儒者之効不彰
治不逮古有由然矣

清源蘇濬曰漢世表章經術而孝經一

書出之衣裘列之東觀薦紳先生類能
言之迨中元間令期門羽林悉通孝經
章句豈不斌斌乎盛哉嗣是仇覽以之
化頑顧權以之却病誠孝之極可諧神
人九足多焉宋王安石立明經取士之
法而孝經一書不列學官相沿以至於
今未有表而章之者遂使孔曾相傳之
微言竟等之土苴弁髦且不得與呂不
韋月令之書並傳於世學士大夫袖手

而語良知抗顏而談性命至庸行本根
率以無甚高論寘之經學不明其害固
若是烈耶余謂金陵之罪浮於李斯殆
不爲過也

司馬溫公曰聖人之德莫加於孝猶江河之
有源草木之有本

祺按涑水司馬君實光進孝經表云聖
人之德莫加於孝猶江河之有源草木
之有本源遠則流大本固則葉繁秘閣

所藏古文孝經先秦舊書傳注遺逸孤
學湮微不絕如綫書進詔藏秘府王安
石與公有隙遂罷孝經並春秋

王氏禕曰孝者天之經地之義而百行
之原也自天子達於庶人尊卑雖有等
差至於爲孝曷有間哉五經四子之言
備矣而教孝必以孝經爲先則以聖言
雖衆而孝經者實總會之也是書大行
其必人曾參而家閔損有關於世教甚

重豈曰小補而已

朱子曰若不如此便不成人○又曰經文首尾相應次第相承文勢連屬脉絡通貫○又曰此皆格言○又曰其語尤精約也

祺按吳氏澄曰中有格言朱子每於各章註出而小學書所纂孝經之文其擇之也精矣學者豈可因後儒之傳會而廢先聖之格言也

虞氏淳熙曰朱子幼讀孝經手題曰若

不如此便不成人後雖稍疑其誤而於
首章則斷以爲經文於卒章則贊以爲
精妙於紀孝行五刑感應等章則並以
爲格言未嘗不尊信而表章之也其跋
屏山遺帖云老大無成不能有以仰副
當日付授之意抱此愧恨每念無以見
先生於地下今病已力何所復云其晚
年之悔深矣

范氏祖禹曰孝經道之根本學之基址其言

近其旨遠其守約其施博

祺按范蜀公祖禹元祐中侍經筵上古
文孝經說嘗曰孝經自微至顯自小至
大自身體髮膚受之父母至於嚴父配
天自親生之膝下至於天地明察通神
明光四海充其道者大舜文王周公也
尹氏焯曰孝經事父孝故事天明事母
孝故事地察天地明察神明彰矣道至
通神明光四海非堯舜大聖不能盡此

或以語伊川伊川曰極是縱使某說亦
不過如此

沈氏淮曰大哉孝經其先聖之微言乎
彼視爲蒙穉之習而弁髦之者固無論
已若謂孔子發五等始終之義於曾子
以教人亦井天管豹之見其於聖人旨
趣均之乎賸覩而聾聽哉蓋聖人立言
指近而遠詞約而博匪可以寡邇窺者
孔子刪述六經匡持理道參贊化育詳

且悉矣又慮夫天下後世求派遺源而不知大經大法之要故諄諄與曾氏發明孝行示天下後世治平之準萬化之源焉

草廬吳氏曰孝經蓋自孔曾一時問答之語今文出於漢劉向手較世所通行隋時有稱得古文孝經者與今文增減異同不過一二字而文勢曾不若今文之從順以許慎說文所引及桓譚新論所言攷證皆不

合

祺按吳澄云今文出於漢初武帝時魯共王壞孔子宅於壁中得古文孝經以爲秦時孔鮒所藏昭帝時魯國三老始以上獻劉向衛宏蓋嘗手較魏晉以後其書亡失世所通行惟今文孝經十八章而已隋時有稱得古文孝經者決非漢世孔壁中之古文也○又曰許慎學孝經孔氏古文說文中所引用者慎

序云其引論語孝經皆古文也今按說文居字下引孝經中尼居見得當時古文居上卽無閒字劉炫本增此一字妄矣又恒譚言古文千八百七十二字與今文異者四百餘字今按劉炫本止有千八百七字多於今文八字除增聞門一章二十四字外與今文異者僅二十餘字其所增或一字或二字比今文徒爲冗羨其所減多是句末也字比今文

更覺突兀

釣滄子曰聖人之經安得竟廢不行五百年
必有王者興嗣是有以孝治天下之明王
在上而海內仁人孝子興起而振作之則
必輯錄是經發明奧蘊

祺按元至正三年隱士釣滄子著孝經
管見今逸其名朱鴻曰萬曆庚寅季春
望後三日鴻過南屏山村中偶獲孝經
管見一卷廼元隱士釣滄子所撰也其

語意梗概率以孝治爲先不分章第經
傳聞後語期五百年必有明王振起先
聖遺經復明於世者嘗考荆公執政罷
黜此經至今適五百餘年正我

明孝治之會而隱士預卜其期若執左契非
特精於數學蓋亦至誠之道耶

呂維祺曰春秋孔子之刑書也孝經孔子之
教書也皆天子之事也春秋成而亂臣賊
子懼孝經成而上下無怨天下和平通於

神明光於四海○有天下國家者不可不知孝經孝經先德教後政刑○孝經其用大而理約

祺按學記曰古之教者家有塾黨有庠術有序國有學舜命契曰百姓不親五品不遜汝作司徒敬敷五教在寬

周禮大司徒以鄉三物教萬民而賓興之一曰六德知仁聖義中和二曰六行孝友睦婣任恤三曰六藝禮樂射御書

數以鄉八刑糾萬民一曰不孝之刑二
曰不睦之刑三曰不姻之刑四曰不弟
之刑五曰不任之刑六曰不恤之刑七
曰造言之刑八曰亂民之刑

仲素羅氏曰昔眚底豫而天下之爲父
子者定只爲天下無不是底父母了翁
聞而善之曰唯如此而後天下之爲父
子者定彼臣弑其君子弑其父常始於
見其有不是處耳

溫氏純曰子云吾志在春秋行在孝經
夫春秋法至嚴爲亂臣賊子作也孝經
則導之愛敬蓋曰出於孝必入於法譬
之狂瀾旣倒以春秋爲隄防而孝經乃
其所導而歸之海者也

郭氏孝曰夫子云志在春秋行在孝經
夫春秋孔子之刑書孝經孔子之德教
昔嘗並黜於王氏今春秋與四經並列
爲五而孝經僅爲家塾童子之習是使

後世徒見聖人之志而不見聖人之行
矣

羅氏汝芳曰聖賢立教爲天下後世定
之極則曰堯舜之道孝弟而已矣後世
不察乃謂止舉聖道中之淺近爲言噫
天下之理豈有妙於不思而得者乎夫
人能日周旋於事親從兄之間以涵泳
乎良知良能之妙俾此身此道不離於
須臾之頃則人皆堯舜之歸而世皆雍

熙之化也

歸氏有光曰大哉孝之道非聖人莫之知也昔孔子嘗不對或人之問禘矣其言明王之以孝治天下至於刑四海事天地言大而理約豈非極萬殊一本之義意其所以告曾子者如此

蔡氏悉曰夫孝天性也本乎至情隨分自盡大舜養以天下曾子養以酒肉其道一也虞書顯設於當時孝經大學垂

憲於萬世其道一也愛敬生於孩提仁
義達之天下沛然而不可禦也教成而
政治矣率性而愛敬之謂之孝是曰性
善至於配天而性無毫髮之不盡矣夫
子言性何其切近精實如此也

虞氏淳熙曰孔子爲曾子開陳堯舜禹
湯文武周公相傳之宗明生天生地生
人之大義只一孝字都包得盡

孝經大全卷之首

終

孝經大全卷之一

明新安呂維祺箋次

孝經

說文孝善事父母者祭統孝者畜也

按謹

爾雅善事父母爲孝○說文孝從耂省

從子子承老也禮記祭統孝者畜也順

於道不逆於倫之謂畜○邢昺疏孝好

也取道常在心盡其色養中情悅好承

順無怠之義○援神契曰元氣混沌孝

在其中○鈞命訣云孝者就也度也譽

也究也畜也辨正論曰天子之孝曰就

諸侯曰度卿大夫曰譽士曰究庶人曰

畜○鈞命訣曰王聿修萬古不易者孝

之謂○子華子曰事心者宜以孝○杜

欽曰孝者人之由靈也○荀爽云火德為孝其象為離在天者用其精則為日在地者用其形則為火夏火旺其精在天溫煖之氣養生百木是其孝也○白虎通男不離父母何法法火不離木也○張說云孝哉一心混成衆妙○王維云夫孝於人為和德其應為陽氣○劉子輦曰孝為百行之宗以敬為本敬心既純大本發露求其名匹夫匹婦能焉核其實聖人以為難矣○諡法至順曰孝五宗安之曰孝慈惠愛親曰孝秉德不同曰孝協時肇厚曰孝經常

也謂古先聖王興道致治之常法也

文說

經織也從系至聲又機縷也一日書也釋名徑也典常也言如徑路無所不通○白虎通云五經易書詩禮樂初學記九經易書詩周禮禮記儀禮春秋三傳

後人以易書詩周禮禮記春秋爲六經
又孝經論語孟子易書詩周禮禮記春
秋左氏傳爲九經○董鼎曰人之行莫
大於孝堯舜大聖人也其道不過孝悌
而已孔子傳之曾子以爲經上自天子
下至庶人皆當受用近之閭門妻子兄
弟長幼遠之天地鬼神四海百姓皆自
此推名之曰孝經者以其可爲天下萬
世常法也漢藝文志孝經者孔子爲曾子陳

孝道也緯云孔子七十二語曾子著孝

經鄭康成曰孝經者五經之總會也漢

文志曰夫孝天之經地之義民之行也
舉大者言故曰孝經○邢昺正義曰孝
者事親之名經者常行之典○皇侃曰
經者常也法也此經爲教任重道遠雖

復時移代革金石可消而爲孝事親常
行存世不滅是其常也爲百代規模人
生所資是其法也孝爲百行之本故名
曰孝經經之創制孔子所撰也○前賢
以爲曾參雖有至孝之性未達孝德之
本偶於閒居因得侍坐參起問於夫子
夫子隨而答參是以集錄因名爲孝經
○邢昺曰修春秋撰孝經孔子之志行
也何爲重其志而自筆削輕其行而假
他人劉炫述義其略曰炫謂孔子自作
孝經本非曾參請業而對也按二說以
前賢所論爲正○鄭玄謂孝經爲五經
之總會嘗還高密道遇黃巾賊數萬見
玄皆拜相約不敢入境玄病夢孔子告
之曰起起今年歲在辰明年歲在巳旣
卒自郡守以下受業者千餘皆緣經赴
會孔融爲特立一鄉曰鄭公鄉
廣門衢令容高車號通德門
○謹按

何休稱子曰吾志在春秋行在孝經氏

曰何休稱子曰吾志在春秋行在孝經

今詳其文書當是曾子弟子所為柳宗

元謂論語載弟子必以字曾參不然蓋

曾氏之徒樂正子春子思相與為之耳

余於孝孔子本欲以孝治天下一生精

經亦云孔子本欲以孝治天下一生精

神蘊結全在於此夾谷墮費三月大治

為之兆也

按春秋傳定公與齊侯會於夾谷孔子攝相事曰臣聞有

文事者必有武備有武事者必有文備

古者諸侯並出疆必具官以從請具左

右司馬定公從之至會所為壇位土墪

三等以遇禮相見揖讓而登既畢齊使

萊人以兵鼓諺劫定公孔子歷階而進

以公退曰吾兩君為好裔譯之俘敢以

兵亂之非齊君所以命諸侯也齊侯心
忤麾而避之有頃齊奏官中之樂俳優
侏儒戲於前孔子趨進歷階而上不盡
一等曰匹夫熒惑諸侯罪當誅請右司
馬速加刑焉於是斬侏儒齊侯懼有慙
色將盟齊人加載書曰齊師出境而不
以兵車三百乘從我者有如此盟孔子
使茲無還對曰而不返我汶陽之田吾
所供命者亦如之齊侯歸乃歸所侵魯
之四邑及汶陽之田○孔子因三家之
問言於定公曰家不藏甲邑無百雉之
城古之制也今三家過制請皆損之乃
使季氏宰仲山隴三都叔孫不得意於
季氏因費宰公山弗擾率費人以襲魯
孔子以公與季孫叔孫孟孫入于季氏
之宮登武子之臺費人攻之及臺側孔
子命申句須朱頎勒士衆下伐之費人
北遂墮費郈公室弱私家尊君卑臣

政化大行及成公圍之弗克○周敬
王二十三年春魯具孔子攝相事與聞
國政時孔子年五十六也大司寇攝行
相事七日而誅魯大夫亂政者少正卯
孔子曰人有太惡者五而竊盜不與焉
一曰心逆而險二曰行僻而堅三曰言
偽而辯四曰記醜而博五曰順非而澤
此五者有一於人則不得免於君子之
誅而少正卯兼有之故不可以不誅也
初魯之販羊有沈猶氏者常朝飲其羊
以詐市人有公慎氏者妻淫不制有慎
潰氏者奢侈踰法魯之鬻六畜者飾之
以儲價及孔子爲政沈猶氏不敢朝飲
其羊公慎氏出其妻慎潰氏越境而徙
三月則鬻牛馬不儲價賣羔豚者不加
飾男女行者別其塗道不拾遺男尚忠
信女尚貞順焉孔子爲政民初謗之曰
麇裘而鞞投之無戾鞞之麇裘投之無

郵政成化行民誦之曰衮衣章甫實獲
我所章甫衮衣惠我無私齊人聞而
懼邁齊國中女子好者八十人皆衣文
衣而舞康樂文馬三十駟遺魯君陳女
樂文馬於魯城南高門外季桓子微服
往觀再三將受乃語魯君為周道游往
觀終日怠於政事郊又不致膳俎於大
夫孔子遂行宿乎屯歌曰彼婦之口可
以出走彼婦之謂可以死道既不行故
敗優哉游哉聊以卒歲

口授曾子以詔後世學者要思使孔子

得志行孝經時其作為如何鈞滄子曰

孝之人以發孝旨實指化民成俗治天
下之要故二帝三王之治本於道二帝
三王之道本於身二帝三王之身極本
於心二帝三王之心極本於孝○羅氏

汝芳曰道之爲道不從天降不從地出切近易見則赤子下胎之初啞啼一聲是也聽着此一聲啼何等迫切想着此一聲啼多少意味其時母子骨肉之情毫髮也似分離不開頃刻地似安歇不過真是繭之者善成之者性而直見乎天地之心亦真是推之四海皆準垂之萬世無朝夕舍此不著力理會而言學焉是謂遠人以爲道○謹按孝道甚大不專指事父母一節言孫本曰孔子所以與東周之教而繼帝王之治統在是

仲尼居會子侍子曰先王有至德要道以順

天下民用和睦上下無怨女知之乎女汝通用下同

仲尼孔子字

按家語孔子父叔梁紇娶顏氏之女徵在徵在禱尼丘山

而生孔子故名丘杜氏云孔子生而圩頂
首象尼丘故名丘字仲尼按孔子世家云
仲尼其先宋人也宋閔公有子弗父何長
而當立讓其弟厲公何生宋父周周生世
子勝勝生正考父正考父受命為宋卿生
孔父嘉嘉別為公族故其後以孔為氏孔
父嘉生木金父木金父生皐夷父皐夷父
生防叔避華氏之禍而奔魯防叔生伯夏
伯夏生叔梁紇紇生孔子○朱子曰昔人
未嘗諱字程子云子年十四五從周茂叔
本朝先輩尚如此伊
居閒居也按邢昺正
川亦嘗稱明道字
居蓋謂乘閒居而坐與論語云居吾語
汝義同而與居則致其敬之居不同曾
子孔子弟子名參字子輿按史記曾參南
武城人字子輿
少孔子四十六歲孔子以為
能通孝道故授之業作孝經
侍侍坐也按

易正義卑者在尊者側曰侍故經謂之侍
凡侍有坐有立此曾子侍卽侍坐也曲禮
有侍坐於先生侍坐子謂孔子按公羊傳
於所尊侍坐於君子
子通稱也古先王謂古先聖王至極也要
者謂師爲子

切要之德者人心所得於天之性道者事

物當然之理

草廬吳氏曰德謂已所得道
謂人所共由蓋已之所得人

之所共由者其理曰仁義禮智而仁兼統
之仁之發爲愛而愛先於親故孝爲德之
至道之要也○董卿曰德者人心所得於
天之理仁義禮智信是也此五者皆謂之
德而此獨舉其德之至道者事物當然之
理皆是而其大目則父子也君臣也夫婦
也昆弟也朋友之交也此五者卽仁義禮
智信之性率而行之以爲天下之達道者

也皆謂之道而此獨舉其道之要順者不
過因人心天理所固有而非有所強拂爲
之也○潛室陳氏曰道謂事事物物當然
之理德乃行是道而實得于心者在一人
身上只是一箇物事○北溪陳氏曰道與
德不是判然二物道是公共的德是實得
於身爲我上下統下文天子諸侯卿大夫

士庶人而言

吳氏曰上謂天子在諸侯之

夫在士之上下謂士在卿大夫之下卿大

夫在諸侯之下諸侯在天子之下孔

子言古先聖王有至極之德切要之道以

順天下而天下之民一歸于順故協和雍

睦上與下俱無怨尤女知此否

吳氏曰爲下者順事

其上而上無怨於下爲土者順使其下而
下無怨於上天地之間一順充塞九族既
睦百姓昭明黎民於變時雍人人親其
親長其長而天下平唐虞成周之盛也蓋
孔子欲傳孝道于曾子而其道至大難以
輕言故先發端以啟問也

引而不發重其事而未欲遽言

也○謹按所謂先王有至德要道者見孝

雖人所固有而不能全盡惟先王能有之
也然必以先王立言者見孝治天下非王
者不能使孔子得明王輔之當執此往矣

朱鴻曰孔子慨明王不作天下莫宗旣刪
述六經復呼曾子授以孝經誠諸經之總

會治世之宏綱也統觀是經稱先王者六
明王者三天子者四聖人者六君子者七
復兩舉政教之神一則天明一因人性兩
申教孝之意子臣與弟無不悅從又申移
孝爲忠事上盡職以評臣諄子無非論君
父於道而不拘拘於命令之從獨事親喪
親二節止著孝子者三又合上下貴賤而
言若夫出治佐治之孝禮樂政教之敷疊
疊推明而不已曷嘗沾沾於溫清定省之
儀飲食起居之節謂孝養細事而云然哉
世傳童習之書意已謬舛至謂人子事親
之經者亦各局於所見也豈測夫子著先
王治平之典必本因心之孝爲之乎○又
曰孔子著經之意蓋欲以孝治天下故於
事親之儀節略焉而諸家註解非不分文
析字而本原大旨或有昧焉而未闡者○
又曰人有致學於孝則事君事長齊家治
國舉而措之天下裕如夫子首揭至德要

道以授曾子又嘗志於周公故他日復夢見周公曰如有用我者吾其為東周乎又云期月可也三年有成蓋欲以孝為治者也夫孝本人性之固有以此順民而民為有不順者哉熊禾曰誠使天子公卿躬行其上凡禮樂刑政之具豈是以孝為本則斯道也固天性之自然人心之固有轉移間王道領不易易乎惜徒託之空言而僅見于記錄之書也然雖不能行之一時猶可詔之來世

曾子辟席曰參不敏何足以知之子曰夫孝德之本也教之所由生也復坐吾語女

辟與避同

夫音扶下同復扶又反語去聲

禮侍坐君子更端起對敏聰達也曾子聞

孔子之言甚大瞿然起敬避席立對

禮曰侍坐

于先生先生問焉終則對請業則起請益則起○又曰侍坐于君子問更端則起而對○周氏汝登曰耿恭簡定向有一問頭曰道莫妙于一貫曾子聞之唯至問孝曰先王有至德要道汝知之乎邾避席不敢當曰參不敏何足以知之夫子以知天命自任子臣弟友之庸行乃曰未能也此何以故舉莫能對焦太史竑爲之語曰理須頓悟事則漸修頓悟易漸修難或以問予子曰不然曾子謂何足以知之不知爲不知是知也是知就是一貫莫爲者天莫致者命此中可容得一能字否或者首肯復問曰頓悟漸修之說如何予曰一日克己復禮便天下歸仁朝聞道便可夕死此中加得漸修之功否太史而孔子告之所謂之言亦不敢謂然也

至德要道者非他孝也孝統衆善爲德之

本本猶根也

按禮記祭義曾子云衆之本教曰孝尚書敬敷五教謂教

父以義教母以慈教兄以友教弟以恭教子以孝舉此則其餘順人之教皆可知也○五峰胡氏曰德有本故其行不窮○延氏爲曰近取諸身則耳有聽受之用目有察見之明足有致遠之勞手有飾衛之功雖顯外本之者心也遠取諸物則草木之生始于萌芽終于彌蔓枝葉扶疎榮華紛紛木雖繁蔚致之者根也夫仁人之有孝猶四體之有心腹枝葉之有根本也○庾子與五歲讀孝經手不釋卷或曰此書文句不多何用自苦答曰孝者德之本何謂不多○羅氏汝芳曰盡四海九州之千人萬人而其心性渾然只是一箇天命雖欲離之而不可離雖欲分之而不可分如

木之許多枝葉而貫以一本如水之許多
流派而出自一源○虞氏淳熙曰夫子言
孝不只是孝德凡是道德都是他資助都
是他推移出來譬如樹木有根本就生枝
葉誰人止遏得住
莫看這孝小了
行仁必自孝始而教化
由此生焉所以爲德之至道之要也

董門曰聖

人以五常之道立教本立則道生移之以
事君則忠矣資之以事長則順矣施之于
閭門則夫婦和矣行之于鄉黨則朋友信
矣充擴得去舉天下之大無一物不在吾
仁之中無一事不自吾孝中出故曰教之
所由生○朱鴻曰孝乃仁之本原仁乃心
之全德仁主于愛而愛莫切于愛親故孝
爲德之本本立則道生自然親親而仁民
仁民而愛物以至綏中國保四
海無一物一事不在吾孝之中
語將更端

曾子猶立故命之復坐而詳語之

吳氏曰孔子之

言未竟又將更端以曾子避席起立故命之還坐而聽也○董鼎曰孝之義甚大而其為說甚長片立談可盡故使之復坐而詳以告之

身體髮膚受之父母不敢毀傷孝之始也

髮音

發音扶

身躬也體四肢也髮謂毛髮膚謂皮膚

那音

正義曰身謂躬也體謂四肢也髮謂毛髮膚謂皮膚禮運曰四體既正膚革充盈詩曰鬢髮如雲此則言人之一身父母全而身體髮膚之謂也

生之子當全而歸之一有虧毀損傷是為

虧體辱親

正義曰子之初生受全體于父母故當常自念慮至死全而歸

之若曾子敬手敬足之類是也毀謂虧辱傷謂損傷故夫子云不虧其體不辱其身可謂全矣鄭註周禮禁殺戮云見血爲傷是也○曲禮曰不登高不臨深不苟訾不苟笑孝子不服開

樂正子下堂傷足憂形

于色蓋爲此也

樂正子春下堂而傷其足數月不出猶有憂色門弟

子曰夫子之足瘳矣數月不出猶有憂色何也樂正子春日吾聞曾子聞諸夫子曰父母全而生之子全而歸之可謂孝矣不虧其體不辱其身可謂全矣故君子頃步而弗敢忘孝也今子忘孝之道子是以有憂色也不辱其身不羞其親可謂孝矣○

陶潛曰樂正子春下堂傷足猶有憂色蓋不敢毀傷孝之始也夫能敬慎若此而灾

患及者未之有也○范宣子年十歲能誦詩書嘗以刀傷手捧手改容人問痛耶答曰不足爲痛但受全之體而致毀傷不敢不可處耳及長隱居積學躬耕養親不敢毀傷者敬之至也孔子曰君子無不敬也身爲大身也者親之枝也敬不敬與不能敬其身是傷其親○曾傷其親是傷其本傷其本枝從而在子曰身也者父母之遺體也行父母之遺

體敢不敬乎○張子曰體其受而全歸者

參乎

朱子曰父母全而生之子全而歸之若曾子之敬手足則體其所受乎親

者而歸其全也○或問盡其道謂之孝弟夫以一身推之則身者資父母血氣以生者也盡其道者則能敬其身敬其身者則能敬其父母不盡其道則不敬其身不敬

其身則不敬其父母程子曰今士大夫受
職於君期盡其職受身於父母安可不盡
其道○慈湖楊氏曰人咸以身體髮膚爲
己不知受之於父母孔子於是破其私有
之窟宅而復其本心之大公人莫切于已
莫愛于已因其愛已而敬之以受之父母
則愛出於公因其不肯毀傷而轉曰不敢
則公而不私因而不拂○虞氏淳熙曰四
體頭髮皮膚不是自己的是父母生下你
來你親受得你的毀傷了自身就是毀傷
了父母雖然不該貪生怕死豈可驕亂爭
鬪觸天怒犯王法損壞他的遺體須是戰
戰兢兢如抱着父母出入方是孝子的起
頭處○徐氏幹曰身體髮膚受之父母不
敢毀傷孝之至也若夫求名之徒殘疾厥
體冒厄危戮以徇其名曾參不爲也○尤
氏時熙曰人苟知父母之生成此身甚難
則所以愛其身者不容不至而義理不可

勝用矣。○曹氏于汴口愛親者愛日自愛者愛日親衰愛之日短身衰學之日短其皇皇等也

立身行道揚名於後世以顯父母孝之終也

行如字

又言孝非惟不毀而已必卓然植立此身於天地之間不愧不作中立不倚道則身之所當行者窮則獨行其道達則大行於天下

羅氏汝芳曰所謂立身者立天下之大本也首柱天足鎮地以立極於宇

宙之間所謂行道者行天下之達道也負荷綱常發揮事業出則治化天下處則教

化萬世必如孔子大學方爲全人而無忝
所生故孟子論志願學孔子○又曰立身
行道果何道曰大學之道也大學明德親
民止至善如許大事惟立此身蓋丈夫之
所謂身聯屬天下國家而後成者也○廣
川董子曰勉強學問則聞見博而智益明
勉強行道則德日起而大有功祺謂立身
行道不可不知學問○蘇氏頌曰孝者貴
於立身立而不廢則安夷險保明哲太社
于是乎暢其風太常于是乎書其事○五
峰胡氏曰窮則獨善其身達則兼善天下
者大賢之分也達則兼善天下窮則兼善
萬世者聖人之分也○羅氏洪先曰此身
可爲天地立心爲生民立命何物哉非以
此心之虛而能神乎而吾未免有所欲焉
則所以窒其源而遏其流者不知其何紀
極也其如天地生民何哉誠有意于此固
不能一日悠悠爾矣○王氏艮曰能立此

身便能位天地育萬物病痛自將消融○
或問立身之義維祺曰身也者天地之所
付也父母之所遺也天地父母原不虛生
此身撐天拄地致君澤民繼往開來光前
裕後爲法可傳只是此一身承當一有傾
頽顛墜依倚搖奪便立不住所以必要亭
亭鼎鼎子子楚楚磊磊落落站立得任仰
不愧於天俯不作於人中立不倚獨行不
懼昂然爲天地完人父母肯于富貴功名
是非毀譽人情世故都搖動不倒方是立
身本領○或問何謂立身維祺曰中立而
不倚強哉矯是何等力量已欲立而立人
爲天地立心爲萬民立命是何等心術立
天下之正位富貴不能淫貧賤不能移威
武不能屈是何等氣象天壽不貳修身以
俟之所以立命也是何等學問立之斯立
道之斯行綏之斯來動之斯和是何等事
業○維祺嘗作身銘曰大哉身乎其備也

元氣混沌包而無外是故天地憾吾身缺
陷吾身虧天地傾歆身非塊然天地叅也
合之爲一體分則三也首圓象天足方象
地中虛象極神行象次耳目鼻舌手足吾
五行之官視聽言動吾四時之吏呼吸吾
之潮汐寢興與吾之分至察於人倫三辰序
也喜怒哀樂吾露雷風雨也其中有君上
帝臨汝也思無邪宋景之退災惑誠則形
鄒衍之飛霜雪進修及時魯陽公之揮日
克已復禮靈彌氏之補石慎爾樞機虞廷
之齊七政戒懼不睹成湯之顧明命不違
其志文王陟降之事帝也無思無爲禹之
行水行無事也清寧奠位疏吾之榮衛陽
罔或愆陰罔或伏調吾之嘘吹草木鳥獸
愛惜吾之爪髮痼癢一體撫摩吾之顛領
荐德馨郢斤之鑿鼻至且游衍金鏡之則
眼翳灝乎若太虛中有元
氣與天地叅萬物備也
雖無意求名不

名自稱揚於後世邇流窮源卽父母亦有

顯榮若行孝不至揚名顯親未得爲立身

也

按禮記祭義曰烹熟饗飾嘗而薦之非孝也養也君子之所謂孝也者國人稱

願然曰幸哉有子如此所謂孝也已○曾

子曰慎行其身不遺父母惡名可謂能終

矣○皇侃曰若生能行孝沒而揚名則身

有德舉乃能光榮其父母也按哀公問孔

子對曰君子也者人之成名也百姓歸之

名謂之君子之子是使其親爲君子也此

則揚名榮親也○屏山劉氏曰曾子之孝

立身揚名惟此一節而于聞道最爲超警

死生之際燦然明白蓋始則因孝心而致

敬終則因敬心而成已啟手足則見于戰

戰兢兢之時發善言則存乎容貌辭氣之

際皆敬之謂也戴經所記與義甚多首文

三語已盡其要學者非弗知也然皆有愧于曾子者行之弗至也恭于昭昭者孝之名也謹于昏昏者孝之實也求其名匹夫匹婦能焉核其實聖人以爲難也○王氏守仁曰子爲賢人也則其父爲賢人之父矣子爲聖人也則其父爲聖人之父矣夫叔梁紇之名至今不朽則亦以仲尼之爲子邪○馮氏宿曰揚名顯親教孝申敬是爲率德可以觀政○存古篇曰孝子每舉念措足必於其父母立身體道顯親揚名以成父母志○又曰人能念念事事想到父母身上便自不敢分毫虧損大禹八年於外只爲成就箇孝始終非分先後猶言孝之始

基孝之完全爾

邢昺正義曰不敢毀傷閔

明經雖言其始終此略示有先後非謂不敢毀傷唯在於始立身獨在於終也明不

敢毀傷立身行道從始至末兩行無怠此
於次有先後非於事理有始終也○董鼎
日始言保身之道終言立身之道蓋不敢
毀傷者但是不虧其體而已必不虧其行
而後方可立身
故以是終之
○按立身行道揚名所包

最廣不專指得位事君者言事君特行道

揚名中一事爾

屏山劉氏曰孝子之心萬慮俱忘唯一敬而已敬念

之所通無間無傍塞乎天地橫乎四海莫知其紀極也敬心既純大本發露虛明洞達躍如於兢兢肅肅之中此至孝之士所以行成於外而性修于內也曾子立身揚名唯此一節平日服膺念茲在茲而已○伊川程子曰古之學者四十而仕未仕以前三十餘年得盡力于學問無他營也故人之成材可用今之士十四五以上便學

綴文覓官豈嘗有意爲已之學夫以不學
之人一旦授之官而使之事君長民治事
宜其效不如古也故今之在仕路者人物
多凡下不足道以此○龜山楊氏曰方太
公釣于渭不遇文王特一老漁父耳及一
朝用之乃有鷹揚之勇非文王有獨見之
明誰能知之學者須體此意然後進退隱
顯各得其當○呂氏桷曰古之功名爲天
地立心爲生民立命爲萬世開太平轉乾
旋坤繼往開來今之功名富貴之標的而
已○方氏孝孺曰養有不及謂之死其親
沒而不傳道謂之物其親斯二者罪也物
之尤罪也是以孝子修德修行以令聞加
乎祖考守職立功以顯號遺乎祖考○或
問立與行是兩事否維祺曰立身行道非
兩事立得定方行得不差○或問行道指
得位事君否維祺曰得位事君固是行道
所謂達可行于天下而後行之者也道必

如此而後大行然亦不必專指得位孟子
子曰得志與民由之不得志獨行其道

夫孝始於事親中於事君終於立身

申結上文之意孝本愛親故以事親爲始

曲禮曰凡爲人子之禮冬溫而夏凊昏定
而晨省○又曰爲人子者出必告反必面
所遊必有常所習必有業恒言不稱老○
又曰視於無形聽於無聲○檀弓云子路
問曰傷哉貧也生無以爲養死無以爲禮
也孔子曰啜菽飲水盡其歡斯之謂孝○
坊記曰子云父母在不稱老言孝不言慈
閨門之內戲而不嘆君子以此防民民猶
薄於孝而厚於慈○曾子曰吾及親仕三
年而心樂後仕三十鐘而不泊吾心悲○
閔損字子騫早喪母父娶後妻生二子損
孝事不怠母嫉損所生子長成婦絮衣損以

蘆花絮父冬日令損御車體寒矣親父責
之損不自理父察知是欲遣後母損泣啟
曰母在一子寒母去三子單父善之母亦
悔過三子一視遂成慈母耿氏定向曰一
言悟母幾于舜之底豫○南軒張氏曰以
孝於親論之自其粗者知有冬溫夏清昏
定晨省則常從溫清定省行之而又知其
有進於此者則又從而行之知之進則行
愈有所施行之力則知愈有所進以至子
聖人人倫之至其等級固遠其曲折固多
然亦必由是而循循可至○榮陽呂氏曰
孝子事親領事躬親不可委之使令也
嘗觀穀梁言天子親耕以供粢盛王后親
蠶以供祭服國非無良農工女也以爲人
之所盡事其祖禰不若以已所行道揚名
自親者也此說最切事親之道
非事君不能全盡故以事君爲中
表記曰事君慎

始而敬終○召公曰事君者險而不懟怨而不怒○廣川董子曰上臣事君以人中臣事君以身下臣事君以貨○莊氏周曰子之愛親命也不可解于其心臣之事君義也無適而非君也無所逃于天地之間夫事親者不擇地而安之孝之至也事君者不擇事而安之忠之盛也

立身行道以全親之所付

方可以爲人爲子故以立身爲終

章氏懋曰身也

者親之枝也親雖不存而吾身存焉必思所以立其身風興夜寐無忝所生一出言一舉足皆不敢有怠若古之聖人君子者行道揚名以顯其親於無窮豈非所思之大者乎○來氏知德曰爲人在世須立身行道與乾坤同其悠久不然亦猶草木之靡朽耳○草蘆吳氏曰事親者不敢毀傷其大也左右就養等事在其中矣事君者

推愛親之心以愛君也立身者行道揚名
之謂也○鄭氏玄曰父母生之是事親爲
始四十強仕是事君爲中七十致仕是立
身爲終或駁云若以始爲在家終爲致仕
則兆庶皆能有始人君所以無終若以年
七十者始爲孝終不致仕者皆爲不立則
中壽之輩盡曰不終顏
子之流亦無所立矣

事親立身循環無

端事君者所以光大其始終也

陳氏曰上言孝之始

終而不言中于事君者謂行道揚名則事
君之道在其中矣然所以如此立言者蓋
世之人或有隱居以求志修身以俟命豈
必皆事君哉○或曰此總論孝之終始也
夫上文止言孝之始終而此又兼言中于
事君者蓋行道顯揚非事君不能况四十
始仕移孝爲忠亦理之常也○齊宣王問
田過曰吾聞儒者親喪三年君之與父孰

重田過對曰殆不如父重王忿曰則曷爲
去親而事君田過曰非君之上地無以處
吾親非君之祿無以養吾親非君之爵無
以尊顯吾親受之於君致之於親凡事君
者以爲親也

大雅云無念爾祖聿修厥德

律反

詩大雅文王之篇無念念也聿語助辭厥

其也

鄭氏正義曰無念念也聿述也厥其也義取常念先祖述修其德而行之

此經有十一章引詩及書夫子叙經申述先王之道詩書之語事有當其義者則引而證之示言不虛發也七章不引者或事義相違或文勢自足則不引也五經唯傳引詩而禮則雜引詩書及易並意及則引若汎指則曰詩曰詩云若指四始之名即

云國風大雅小雅魯頌商頌引詩言人能
皆隨所便而引之無定例也
念其祖先而聿修其德則孝之始終盡是
矣虞氏淳熙曰孔子引大雅文王之詩謂
文王之德無聲無臭與上天一般蓋臣
勸成王修這樣德何患自身不立就是文
王的令聞一發遠布一發可以配天了如
今所修之至德要道卽是無聲無臭之祖
德因此事君事親立身都來完備毫髮不
缺前言先王今文王豈不是先王觀一文
王其餘先王誰不如此○吳氏曰前言至
德要道蓋言在上者之孝而通乎下夫孝
以下二句結前意也後言孝之終始蓋言
在下者之孝而通乎上夫
孝以下三句結後意也

右第一章蓋孔子欲明孝道之大而先

發其大端以爲全經張本其下遂次第通言之而復三因曾子之疑問以推廣其義陸象山謂孝經十八章聖人踐履實地非虛言也旨哉

今文古文皆有

古文首二句爲仲尼問居曾子侍坐子曰下有參字夫孝二句各無也字

今文爲開宗明義章

謹按漢藝文志孝經一篇十八章長孫氏江翁后蒼與奉張禹傳之各自名家經文皆同惟孔氏壁中古文爲

異隋經籍志孔子既叙六經作孝經以總會之遭秦焚書爲河間顏芝所藏漢初芝子貞出之凡十八章宋邢昺正義云劉向較經籍比量二本除其繁惑以十八章爲定不列名又有荀杲集其錄及諸家疏並無章名唯皇侃標其目冠于章首○按卷帙旣多不得不分章次但題名非古也今倣中庸右第某章及論語鄉黨篇此

一節 四爲十八章而不列各

孝經大全卷之一

終